

N° 2023/O2/022

MOTION
AVEC DEMANDE D'EXAMEN PRIORITAIRE

DEPOSEE PAR : LE GROUPE « CORE IN FRONTE »

OBJET : PER UN AZZIONI INTERNAZIONALI

CUNSIDERENDU i cundizioni ughjettivi di u fattu naziunali corsu,

CUNSIDERENDU a rialtà di a Ripublica Corsa chì cunsacregghja l'indipendenza statali custituzionali è dimucratca à u seculu XVIII,

CUNSIDERENDU comu illegghjitima l'annessioni militari francesa di a Corsica in u 1769,

CUNSIDERENDU comu di natura culuniali a pulitica francesa chì circ'à leghjittimà l'occupazioni, a duminazioni pulitica è a splutazioni economica di u tarritoriu paisanu corsu,

CUNSIDERENDU comu linguisticida a pulitica francesa cuncertata chì hà pruvatu à ammutuli a noscia lingua è a noscia cultura storica, richezzi umani di u storicu patrimoniu di l'aghja di u Meditarraniu,

CUNSIDERENDU i mumenti cunflittuali chì anu uppostu u Muvimentu Naziunali Corsu, i so rivendicazioni fundamentali à u Statu Francesu è a so riprissioni,

CUNSIDERENDU u rollu, u pesu è l'impurtanza di a resistenza popularii armata chì s'hè upposta à a pulitica francesa è a so riprissioni,

CUNSIDERENDU i trè amnistii di 1981, 1982 è 1990 chì partecipeghjani à metta in rilievu a dimensioni pulitica di a rivendicazioni naziunali corsa,

CUNSIDERENDU i mumenti d'evoluzioni stituzionali di u 1975 (Dui dipartimenti), 1982 (Statutu Particulari di l'isula),

CUNSIDERENDU i fasi stituzionali di i seculi XX è XXI, incù in u 1982 (Statutu Particulari di u rughjoni corsu), in u 1991 (Statutu di Cullettività tarritoriala di Corsica), è

in u 2018 (Novi cumpetenzi par a Cullettività di Corsica) comu atti di ricuniscenza specifica di ciò chì tocc'à cunsiderazioni di a Corsica è di a so propria identità,

CUNSIDERENDU tutti i pruposti stituzionali purtati da u Muvimentu Naziunali incù tutt'a so diversità,

CUNSIDERENDU u votu maghjuriariu di u 5 di luddu di u 2023 chì faci pruposta d'una tapa versu l'autonomia incù pussibilità di mudificazioni di statutu è una cunsultazioni dimucrata,

CUNSIDERENDU i cundizioni attuali di u dialogu iniziatu trà a Francia è a Corsica chì portani nant'à l'avvena stituzionali di u nosciu paese,

CUNSIDERENDU u votu di u 13 d'uttrovi di u 1988 da l'Assemblea di Corsica chì priciseghja « l'existence d'une communauté historique et culturelle vivante regroupant les corses d'origine et les corses d'adoption »,

CUNSIDERENDU u votu di u 27 maghju di u 2015 da l'Assemblea di Corsica chì dumanda un'amnistia di tutti i prighjuneri pulitichi,

CUNSIDERENDU tutti i vittimi è i so cunsequenzi inghjinarati da u cunflittu,

CUNSIDERENDU tutti i martiri di a causa nazionali corsa,

CUNSIDERENDU tutti i mezi ripressivi miss'in opara contr'à l'aspirazioni patriottica corsa, i pulitichi d'eccezzioni inumani è irrespittuosi di i dritti umani,

CUNSIDERENDU l'usu, i manipulazioni è l'azzioni di i barbuzi è di u « mezu » à l'incontru di u Muvimentu Patriotticu,

CUNSIDERENDU a nicissità d'una vera soluzione pulitica chì s'appoghja nant'à a ricuniscenza di u populu corsu è di i so dritti nazionali è quiddu à l'autoditirminazioni,

L'ASSEMBLEA DI CORSICA

APPOGHJA di più u so votu nant'à u Titulu par a Corsica mittindu in opara una pulitica internaziunali di presa in cunsiderazioni di u fattu nazionali corsu.

PIDA cuntatti incù i stituzioni internaziunali ch'iddi s'ghini europei è di l'Organisazioni di i Nazioni Uniti e i so urganisimi cumpetenti in stu quattru.

CUSTRUISCIA un'andatura d'accompagnamentu intarnaziunali di a ricuniscenza di u Populu Corsu è di tutti i so dritti frà quali quiddu di scedda da par iddu u so avvena.